



- امام حسین (ع) بویوردولار: اسلام امتی یزید کیمی حاکمه منتلا اولسا اسلامیان وداعلاشماق لازمدیر.

عزادارلیق اسلام و دین فرهنگینی ساخلاماق اوچون بؤیوک ایشدیر. مین ایلدن آرتیقدر کی شیعه مذهبی اقلیتده و مظلوم موقعیتده واقع اولوب. بنی امیه زمانیندا اهل بیتین (ع) آدینی آپارماق جرم ساییلیر. چونکی دوشمنلر او حضرتلرین آدلارینین دالیسینجان فرهنگلرینینده گلمه سینی بیلیرلر. اونلارین فرهنگیده چوخلو ایشلرین پرده سینی آچار و ریاکارلارین ریاسینی اوزه چیخارار.

آما عزادارلیقدا اسلام و اهل بیت (ع) فرهنگی و سیره سی بیان اولماسا او عزادارلیق یزیدی عزادارلیقدیر. چونکی امام حسین (ع) بیرینجی رسمی عزادارلیق مراسمی توتان یزید اؤزو اولدو. دئدی من ابن زیادا بئله دئمهمیشدیم او افراط ائله ییب. ایندی بو اشتباهین جبرانینا عزادارلیق مراسمی قورمالییم. بیلیرسیز کی کربلا اسپرلری شاما قدر شکنجه و تحقیرینن آپاریلدیلار آما شامدان مدینه یه حکومتی احترامینان انتقال تاپدیلار.

یزید امام حسین (ع) اوچون عزادارلیق مراسمی توتاندان عزادارلیق ایک نوع اولوب. بیر دسته سینده صرفاً عزادارلیق اولور و بیر دسته سینده عزادارلیقدان علاوه ائمه نین (ع) سیره و سؤزلری مطرح اولور. بو مسأله نین ایندی ده ادامه سی وار.

امام رضادان (ع) روایت وار کی شیعه یالان دانیشماز. مشه دین شیعه لری امام رضانین (ع) گؤروشونه گئتدیلر. امام اونلاری آلتی آی بویوندا قبول ائله مه ییب بویوردو: یالان دانیشان بیزیم شیعه میز دئییل. اونلار جواب وئردیلر: بیز امام حسین (ع) عزادارلیق ائله روق و احسان وئره ریک. اما بویوردو: شیعه، ائوده و بازاردا یالان دانیشماز، بیرینین باشینا بؤرک قویماز، ربا وئرمز و نزول یئمز. شیعه باها ساتماز، صادق اولار. بونلارین هامی سینا معتبر روایتلر وار. امام رضا بویوردو بو خصوصیتی اولمایان شیعه لر یالانچی شیعه دیلر و اسلامین آبروسینی آپاریرلار.

روایتلریمیزده وار کی امام حسین (ع) یا آغلادان جنته گئدر. دوزدور بیرى واقعاً امام حسین (ع) آغلایا بیلسه البته جنت اهلیدیر. آما دوغرودان و حقیقتاً امام حسین (ع) آغلایا بیلماق اوچون او شخصیتی تانیماق و اونون سؤزلرینه عمل ائله ماق لازمدیر. چوخلاریمیز نماز قیلیروق آما کیمین نمازی واقعاً خالص اولور. انسانین بیر رکعت نمازی خالص اولسا الله پنان رابطه سی قورولماز؟ پس بو آرادا نا خالصلیق وار. بیریده خالصاً مخلص امام حسین (ع) آغلایا بیلسه یعنی بو آدام الله و اسلام دئییلره عمل ائله ر کی امام حسین (ع) آغلایا بیلیر.